

Adroddiad i'r:	Pwyllgor Llywodraethu Corfforaethol
Dyddiad y Cyfarfod:	29 Ionawr 2014
Aelod/Swyddog Arweiniol:	Barbara Smith/ Gary Williams Swyddog Monitro ac Uwch-swyddog Cyfrifol ar gyfer Deddf Rheoleiddio Pwerau Ymchwilio (RIPA)
Awdur yr Adroddiad:	Lisa Jones, Dirprwy Swyddog Monitro.
Teitl:	Adroddiad Blynyddol Deddf Rheoleiddio Pwerau Ymchwilio 2000 (RIPA) Adroddiad

1. Am beth mae'r adroddiad yn sôn?

Mae Codau Ymarfer RIPA y Swyddfa Gartref yn ei gwneud yn ofynnol i awdurdodau lleol adrodd gweithgareddau'r Cyngor mewn perthynas ag unrhyw cuddwyllo, i aelodau etholedig. Mae'r Pwyllgor Llywodraethu Corfforaethol yn derbyn adroddiadau o'r fath.

2. Beth yw'r rheswm dros lunio'r adroddiad hwn?

Rhoi gwybod i'r Aelodau am weithgareddau'r Cyngor yn y maes hwn.

3. Beth yw'r Argymhellion?

Bod y Pwyllgor Llywodraethu Corfforaethol
(1) yn nodi cynnwys yr adroddiad
(2) yn darparu barn i swyddogion ynghylch defnyddio cuddwyllo yn y Sir.

4. Mae RIPA yn rheoleiddio'r defnydd o dechnegau cuddwyllo a ddefnyddir gan wahanol gyrff megis yr heddlu, y lluoedd arfog, yr Adran Gwaith a Phensiynau ac awdurdodau lleol. Cafodd RIPA ei ddeddfu er mwyn sicrhau bod hawliau dynol unigolyn yn cael eu diogelu. Yng nghyd-destun RIPA, Erthygl 8 (yr hawl i barchu bywyd preifat a theuluol person) o'r Confensiwn Ewropeaidd ar Hawliau Dynol a Rhyddid Sylfaenol yw'r mwyaf perthnasol.

Yn ogystal â hawliau dynol, mae'n rhaid i ymgyrchoedd cuddwyllo hefyd ystyried unrhyw Godau Ymarfer y Swyddfa Gartref. Mae'r Codau Ymarfer bellach yn ei gwneud yn ofynnol i aelodau etholedig dderbyn adroddiadau rheolaidd (o leiaf unwaith y flwyddyn) ar weithgareddau'r Cyngor yn y maes hwn. Yn ystod y cyfnod ymgynghori ar y gofynion hyn darparodd llywodraeth y dydd y sefyllfa ganlynol mewn perthynas â'r cwestiwn - A ddylai cynghorwyr etholedig gael rôl wrth oruchwyllo'r ffordd y mae awdurdodau lleol yn defnyddio technegau ymchwilio cudd?

Sefyllfa'r Llywodraeth:

'gan weithio o'r rhagdybiaeth y dylai'r ffordd y mae awdurdodau cyhoeddus yn cyflawni eu dyletswyddau gael ei ddeall gan, ac ennyn hyder a chefnogaeth y gymuned leol, mae'r Swyddfa Gartref yn cytuno y gall cynnwys aelodau etholedig mewn awdurdodau lleol fod yn ddefnyddiol o ran tryloywder ac atebolrwydd. Y consensws cyffredinol o'r ymgynghoriad hwn yw y dylai cynghorwyr oruchwyllo defnydd y cyngor o dechnegau ymchwiliol cudd a awdurdodir o dan RIPA, y dylai'r oruchwyliaeth hon fod yn strategol, nid gweithredol, ac y dylai awdurdodau lleol unigol fod â rhywfaint o hyblygrwydd lleol i benderfynu ar union ffurf ac amllder y goruchwyllo hwnnw'.

Uwch Swyddog Cyfrifol y Cyngor ar gyfer RIPA sy'n dal y cofnod canolog o geisiadau ac mae'n cydlynu cais y Swyddog Ymchwilio i Swyddogion Awdurdodi RIPA'r Cyngor (Tîm Gweithredol Corfforaethol), pan fydd cuddwyllo yn cael ei gynllunio.

Gweithgarwch RIPA CSDd

Yn ystod y cyfnod 1 Ionawr 2013 i 31 Rhagfyr 2013, cynhaliodd y Cyngor wylidwriaeth gyfeirio ar un achlysur mewn perthynas â gwerthu alcohol i bobl dan oed.

Yn ystod yr un cyfnod, gwnaed 13 o awdurdodiadau i gaffael data cyfathrebu drwy aelodaeth y Cyngor o'r Rhwydwaith Gwrth-dwyll Cenedlaethol. (NAFN). Gwasanaethau allweddol y Rhwydwaith yw:

- Caffael data yn gyfreithlon, yn effeithlon ac yn effeithiol gan amrywiaeth eang o ddarparwyr gwybodaeth,
- Gweithredu fel canolbwynt ar gyfer casglu, coladu a dosbarthu rhybuddion cudd-wybodaeth,
- Darparu enghreifftiau o arfer gorau o ran proses, ffurflenni a gweithdrefnau.

Cafodd deddfwriaeth RIPA ei diwygio gan Ddeddf Diogelu Rhyddidau 2012 ac yn awr mae'n caniatáu i'r Cyngor gynnal cuddwyllo mewn rhai amgylchiadau penodol yn unig, sef:

- Pan fo'r drosedd a amheuir yn dod o fewn diffiniad 'Trosedd Ddifrifol'
- Pan fo'r Cyngor wedi cael Cymeradwyaeth Ynadon yn gyntaf cyn dechrau ar y gweithgaredd gwylidwriaeth. Mae hyn yn digwydd cyn gynted ag y bydd Swyddog Awdurdodi mewnol Cyngor Sir Ddinbych (swyddog o'r Tîm Gweithredol Corfforaethol) yn cymeradwyo'r cais.

Mae dogfen Polisi a Gweithdrefnau RIPA Corfforaethol y Cyngor wedi ei diweddarau i adlewyrchu'r prosesau hyn.

Arolygiaeth

Cafodd y Cyngor ei arolygu gan Swyddfa'r Comisiynydd Gwylidwriaeth ar 14 Mehefin 2012 mewn perthynas â'i weithgareddau gwylidwriaeth dan

gyfarwyddyd, ac ar 11 Medi 2012 gan 'Swyddfa'r Comisiynydd Ymyrryd â Chyfathrebu, mewn perthynas â'i weithgareddau 'ymyrryd â chyfathrebu'. Mae'r Pwyllgor Llywodraethu Corfforaethol eisoes wedi derbyn copïau o'r adroddiadau a gyflwynwyd i'r Pwyllgor gan Uwch-swyddog Cyfrifol RIPA ar 14 Tachwedd 2012.

Sefydlodd y Cyngor weithgor RIPA yn 2009, sydd wedi parhau i gyfarfod tua dwywaith y flwyddyn. Mae aelodaeth bellach yn cynnwys y rheolwr Teledu cylch caeedig (TCC) yn ogystal â Swyddogion o adran Gwarchod y Cyhoedd ac adran yr Amgylchedd. Gwaith y grŵp yw sicrhau bod Swyddogion sy'n gweithio yn y maes hwn yn ymwybodol o newidiadau yn y gyfraith a bod hyn yn cael ei adlewyrchu yn ein polisi corfforaethol.

Mae'r gweithgor hwn hefyd yn ystyried gofynion hyfforddi'r cynghorau yn y maes hwn, ac yn darparu hyfforddiant yn fewnol er mwyn cadw'r gost i lawr a'r cynnwys yn berthnasol i anghenion a pholisi'r awdurdod hwn. Cynhaliwyd y rownd ddiwethaf o hyfforddiant ar 18 Mehefin 2012 ar gyfer Swyddogion Ymchwilio, yna sesiwn ar wahân ar gyfer y Swyddogion Awdurdodi (Tîm Gweithredol Corfforaethol) ym mis Medi 2012. Mae tystiolaeth o hyfforddiant yn un maes y mae'r Arolygwyr yn awyddus i weld yn digwydd ac mae hyfforddiant gloywi wedi'i gynllunio ar gyfer 2014 i gael ei gyflwyno gan y Swyddog Monitro / Uwch-swyddog Cyfrifol ar gyfer RIPA a'r Dirprwy Swyddog Monitro / Cydlynnydd RIPA.

5. Sut mae'r penderfyniad yn cyfrannu at y Blaenoriaethau Corfforaethol?

Mae'n cyfrannu at y flaenoriaeth gorfforaethol o gadw'r Cyngor yn agos at y gymuned.

6. Faint fydd hyn yn ei gostio a sut bydd yn effeithio ar wasanaethau eraill?

Nid oes unrhyw oblygiadau ar wasanaethau eraill o ganlyniad i'r adroddiad hwn.

7. Pa ymgynghoriadau sydd wedi eu cynnal?

Nid oes unrhyw ymgynghoriadau wedi bod yn angenrheidiol ar gyfer yr adroddiad hwn.

8. Datganiad y Prif Swyddog Cyllid

Does dim angen datganiad.

9. Pa risgiau sy'n bodoli ac a oes unrhyw beth y gallwn ei wneud i'w lleihau?

Nid oes unrhyw risgiau o ran cydymffurfio â RIPA'n llawn, mae risgiau o beidio â chydymffurfio oherwydd efallai y byddwn yn torri hawliau dynol.

- 10. Beth yw prif gasgliadau'r Aseiad o Effaith ar Gydraddoldeb a gwblhawyd ar gyfer y penderfyniad? Dylid cynnwys templed yr Aseiad o Effaith ar Gydraddoldeb a gwblhawyd fel atodiad i'r adroddiad.**

Dim

- 11. Pŵer i wneud y Penderfyniad**

Deddf Rheoleiddio Pwerau Ymchwilio 2000